

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj : KZ 114/20

Sarajevo, 26.01 .2021. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 114/20 od 08.01.2021. godine, u postupku javne nabavke br. KZ 114/20, donosi se:

ODLUKA
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj KZ 114/20 od 08.01.2021. godine i ugovor za javnu nabavku robe „**Rezne i brusne ploče**“ – tender broj KZ 114/20 dodjeljuje se ponuđaču : „Penny Plus“ d.o.o. Sarajevo, ponuda broj: 12/12-3/20 od 12.12.2020. godine, za ponuđenu cijenu od **25.468,64 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču: „Penny Plus“ d.o.o. Sarajevo, po proteku do 10 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 114/20 od 16.11.2020. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi: 30.000,00 KM.

Obavještenje o nabavci broj: 247-7-1-193-3-336/20 poslato je na objavljivanje na Portal javnih nabavki dana 20.11.2020. godine.

Komisija za javnu nabavku imenovana je Rješenjem br. 50/20 od 25.06.2020. godine, i dopunskim Rješenjem članova komisije br. KZ 114/20-1 od 16.11.2020. godine.

Komisija za javnu nabavku dostavila je dana 19.01.2021. godine, Preporuku o izboru najpovoljnijeg ponuđača broj KZ 114/20 u postupku javne nabavke roba : „Penny Plus“ d.o.o. Sarajevo – tender broj KZ 114/20

Komisija za javnu nabavku je sačinila odgovarajuće zapisnike u kojima je utvrđeno sljedeće :

- Da je ukupan broj pristiglih ponuda : 5 (pet) ponuda – „Monti“ d.o.o. Zvornik; „Penny Plus“ d.o.o. Sarajevo; „ Ferro-Invest“ d.o.o. Zenica; „Inter-Com“ d.o.o. Zenica i „Senigor“ d.o.o. Sarajevo
- Da je blagovremeno zaprimljeno : 5 (pet) ponuda – „Monti“ d.o.o. Zvornik; „Penny Plus“ d.o.o. Sarajevo; „ Ferro-Invest“ d.o.o. Zenica; „Inter-Com“ d.o.o. Zenica i „Senigor“ d.o.o. Sarajevo

Nakon izvršenog otvaranja ponuda Komisija je dana: 15.12. 2020 godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „Senigor“ d.o.o. Sarajevo ne ispunjava zahtijevane tenderske uslove prema obliku u smislu pripreme ponude, a koji su definisani tačkom 17.1.1 „ Čvrsti uvez ponude“ Konstatovano je da dostavljena ponuda nije čvrsto uvezana na način da se onemogućí naknadno vađenje ili umetanje listova, a što je zahtijevano u tački 17.1.1 „Čvrsti uvez ponude“

Dostavljena ponuda je uvezana na način da su listovi ubačeni u plastičnu fasciklu sa metalnim mehanizmom čije je uklanjanje jednostavno, pa bi samim tim naknadno vađenje ili umetanje listova bez vidljivih tragova bilo moguće.

(Na primjer : U ovom slučaju je kroz sve listove ponude morao biti provučen jamstvenik čiji se krajevi moraju osigurati na način koji bi onemogućio naknadno vađenje ili umetanje listova bez vidljivih tragova. Osiguranje krajeva jamstvenika se moglo obezbijediti pečatnim voskom ili samoljepljivim papirom te pečatom tako učvrstiti da se isti ne mogu izvući i da se listovi ponude ne mogu razdvajati jer bi odstranjivanje pečata imalo vidljive tragove.)

Članom 58. Stav 2. Zakona o javnim nabavkama (Sl. glasnik BiH broj 39/14) je definisano : „Ponuda mora biti čvrsto uvezana i sve strane ponude numerisane“. Iz navedenog proizilazi da je čvrsti uvez obaveza koja je propisana Zakonom o javnim nabavkama.

U tački 17.1.1 tenderske dokumentacije „Čvrsti uvez ponude“ je jasno definisano sljedeće :

Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio ponude se čvrsto uvezuje na način da se onemogućí naknadno vađenje ili umetanje listova. **Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom.** Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Shodno navedenom Komisija jednoglasno zaključuje da dostavljena ponuda ponuđača „Senigor“ d.o.o. Sarajevo, nije uvezana na način da se onemogućí naknadno vađenje ili umetanje listova ponude a što je zahtijevano tenderskom dokumentacijom.

Iz navedenog razloga konstatovano je da ponuda ponuđača „Senigor“ d.o.o. Sarajevo, ne ispunjava zahtijevane tenderske uslove prema obliku ponude (uvezivanje u čvrsti uvez), te se kao takva odbacuje i nije predmet daljeg razmatranja.

Komisija je utvrdila da dostavljene ponude ponuđača „Monti“ d.o.o.Zvornik; „Ferro- Invest“ d.o.o. Zenica; „ Penny Plus“ d.o.o. Sarajevo i „Inter-Com“ d.o.o. Zenica ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponudač			
		„Monti“ d.o.o.Zvornik	Ferro- Invest“ d.o.o. Zenica	„Penny Plus“ d.o.o. Sarajevo	„Inter-Com“ d.o.o. Zenica
1.	<p>Tačka 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.</p>	DA	DA	DA	DA
2.	<p>Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	DA	DA	DA	DA

Komisija konstatuje da su ponuđači „Monti“ d.o.o.Zvornik; „Ferro- Invest“ d.o.o. Zenica; „ Penny Plus“ d.o.o. Sarajevo i „Inter-Com“ d.o.o. Zenica dostavili zahtjevanu dokumentaciju kako je navedeno u tabelarnom prikazu, te isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

		Ponudáč			
R. br.	Zahtijevana kvalifikaciona dokumentacija	„Monti“ d.o.o. Zvornik	Ferro- Invest“ d.o.o. Zenica	„Penny Plus“ d.o.o. Sarajevo	„Inter-Com“ d.o.o. Zenica
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA	DA	DA	DA
2.	Tačka: 16. TD pod 1: Obrazac za ponudu – Aneks II; Prilog 1.	DA	DA	DA	DA
3.	Tačka: 16. TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA	DA	DA
4.	Tačka: 20 TD: Obrazac za cijenu ponude – Aneks III; Prilog 2	Nije u skladu sa zahtjevima iz TD	DA	DA	Nije u skladu sa zahtjevima iz TD
5.	Tačka 31 i 36 TD: Nacrt okvirnog sporazuma – Prilog 6.	DA	DA	DA	DA
6.	Tačka: 31 i 37 TD: Nacrt ugovora o javnoj nabavi – Prilog 7.	DA	DA	DA	DA
7.	Tačka: 43 TD: Povjerljive informacije – Prilog 5.	DA	DA	DA	DA

Pregledom ponude ponuđača „Monti“ d.o.o. Zvornik, konstatovano je da Obrazac za cijenu ponude – Aneks III; Prilog 2 nije popunjen kako je zahtjevano tenderskom dokumentacijom. Naime, ponuđač je propustio da popuni u Obrascu za cijenu ponude i to na strani 12, pod rednim brojem 19 i 20 u koloni 5

„ Standard –kvalitet“. Nepopunjavanjem navedene kolone na zahtjevani način iz tenderske dokumentacije traženim podacima ponuđač „Monti“ d.o.o. Zvornik nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije. Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio. Također navodimo da je tenderskom dokumentacijom u Obrascu za cijenu ponude ispod specifikacije naznačeno i boldirano pod **Napomena: Ponuđač je obavezan popuniti sve prazne stavke u specifikaciji (osim kolone 11, u koliko se ne nudi popust).**

Obzirom na navedeno, komisija konstatuje da ponuda ponuđača „Monti“ d.o.o. Zvornik d.d. Sarajevo ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Pregledom ponude ponuđača „Inter-Com“ d.o.o. Zenica komisija je konstatovala da je u Obrascu za cijenu ponude – Aneks III; Prilog 2 u rubrici pod rednim brojem 8 „ Ukupna cijena ponude bez PDV-a bez popusta ili sa popustom ukoliko se nudi“ ponuđač upisao drugi iznos cijene koji ne odgovara cijeni ponude koja je upisana u rubrici pod rednim brojem 6 „ Cijena ponude bez PDV-a(sa svim uključenim taksama, carinama, osiguranjem i drugim dadžbinama datim na paritetu FCO skladište ugovornog organa u Sarajevu)“. Ponuđač je trebao da upiše u rubriku 8 isti iznos cijene koja je navedena u rubrici pod rednim brojem 6.

Tačkom 20. Tenderske dokumentacije je jasno definisano slijedeće:

Obrazac za cijenu ponude koji je dat kao Prilog 2. tenderske dokumentacije – Aneks III se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan iskazati cijenu za sve stavke, vodeći pri tome računa da ukupan zbir cijena svih stavki u specifikaciji ne može biti 0 (nula).

Napomena: U slučaju da je za neku od stavki ponuđena jedinična cijena 0 (nula), neophodno je da ponuđač u Obrascu za cijenu ponude za tu stavku upiše 0,00.

Tačkom 21. Tenderske dokumentacije je definisano:

Ponudač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, prilog 1. i Aneksom III, prilog 2. tenderske dokumentacije.

Cijena ponude se piše brojevima i slovima. U slučaju neslaganja iznosa upisanih bročano i slovima, prednost se daje iznosu upisanom slovima. Cijena ponude je nepromjenjiva i neće se mijenjati u toku izvršenja ugovora.

Iskazana cijena ponude bez PDV-a sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove po isporučenoj robi osim onih koji su navedeni u Obrascu za ponudu i Obrascu za cijenu ponude.

Ponudač može dati popust na ponudu, pod uslovom da ga iskaže posebno, kako je to definisano Obrascem za ponudu Aneks II, prilog 1 i Obrascem za cijenu ponude Aneks III, prilog 2 TD. Ako ponudač ne iskaže popust na propisan način, smatrat će se da nije ni ponudio popust.

Ukoliko ponudač ne nudi popust mjesto predviđeno za upis popusta ostavlja se prazno. Ukoliko ponudač na mjestu predviđenom za upisivanje popusta na bilo koji drugi način naznači da ne nudi popust (npr. upiše nulu, crticu i sl.) takva ponuda se neće smatrati neprihvatljivom.

U Obrascu za ponudu navodi se cijena ponude bez PDV-a, ponudeni popust (ukoliko se nudi) i ukupna cijena ponude sa uključenim popustom bez PDV-a. U Obrascu za ponudu posebno se prikazuje PDV na cijenu ponude (sa uračunatim popustom). Na kraju se daje ukupna cijena za ugovor (cijena ponude sa uključenim popustom + PDV).

Ako ponudač nije u sistemu poreza na dodatnu vrijednost, u Obrascu za ponudu na mjesto predviđeno za upis cijene ponude s porezom na dodatnu vrijednost, upisuje se isti iznos kao što je upisan na mjestu predviđenom za upis cijene ponude bez poreza na dodatnu vrijednost, a mjesto predviđeno za upis iznosa poreza na dodatnu vrijednost ostavlja se prazno.

Ukoliko ponudač na mjestu predviđenom za upisivanje poreza na dodatnu vrijednost na bilo koji drugi način naznači da nije u sistemu poreza na dodatnu vrijednost (npr. upiše nulu, crticu i sl.) takva ponuda se neće smatrati neprihvatljivom.

U Obrascu za cijenu ponude navodi se cijena ponude bez PDV-a, ponudeni popust (ukoliko se nudi) i na kraju ukupna cijena ponude bez PDV-a (bez bopusta ili sa popustom ukoliko nudi) . Cijena ponude obuhvata sve stavke iz Obrasca za cijenu ponude, to jest ponuđači su obavezni iskazati jedinične cijene za svaku stavku (ukoliko je predmet nabavke podjeljen po stavkama). **Ukoliko za neku od stavki ponudač ne popuni jediničnu cijenu, ponuda će biti odbačena kao neprihvatljiva.**

Obzirom na gore navedeno, komisija konstatuje da ponuda ponuđača „Inter-Com“ d.o.o. Zenica ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da su ponuđači „Ferro- Invest“ d.o.o. Zenica i Penny Plus“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom specifikacija ponuda ponuđača „Ferro- Invest“ d.o.o. Zenica i Penny Plus“ d.o.o. Sarajevo konstatovano je da u navedenim ponudama nema grešaka računске prirode.

Konstatovano je da ponuđač „Ferro- Invest“ d.o.o. Zenica; nije dostavio Potvrdu o primjeni preferencijalnog tretmana domaćeg dok je ponuđač „Penny Plus“ d.o.o. Sarajevo dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude sljedećih ponuđača:

RB.	Ponuđač	Početna cijena ponude u KM bez PDV-a
1.	„Penny Plus“ d.o.o. Sarajevo	29.942,65*
2.	„Ferro Invest“ d.o.o. Zenica	29.908,64

*označava cijenu na koju se primjenjuje preferencijalni tretman

E-aukcija je u sistemu e-nabavke zakazana na dan 08.01.2021. godine u 10:30:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 10:30:00 sati do 10:49:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Konačna cijena ponude u KM bez PDV-a
1.	„Penny Plus“ d.o.o. Sarajevo	25.468,64*
2.	„Ferro Invest“ d.o.o. Zenica	17.849,00

*označava cijenu na koju se primjenjuje preferencijalni tretman

Za najpovoljniju ponudu ocjenjena je ponuda ponuđača „Penny Plus“ d.o.o. Sarajevo. Vrijednost ponude ponuđača „Penny Plus“ d.o.o. Sarajevo iznosi **25.468,64 KM bez PDV-a**.

Komisija jednoglasno daje prijedlog Ugovornom organu da za nabavku usluga: „**Rezne i brusne ploče**“ – tender broj **KZ 114/20** donese Odluku o dodjeli ugovora ponuđaču: „Penny Plus“ d.o.o. Sarajevo, broj ponude: **12/12-3/20** od **12.12. 2020** godine, kao prvoplasiranom na rang listi, čija vrijednost ponude iznosi: **25.468,64 KM bez PDV-a.**

Iz gore navedenih razloga, primjenom člana 64. stav 1. tačka b. ZJN , donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :

- Ponuđačima
- a/a



v.d. Direktor

Aida Pendek, dipl.ing.grad.